

Oqaatsinut politikki pillugu Inatsisartut Inatsisissaattut siunnersuut.

(Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq)

Akissuteqaat**Pingajussaaneerinnineq**

Naalakkersuisut ataatsimiititaliaq qutsavigaat peqqissaartumik suliaqarsimanerat aammalu ataatsimiititaliami amerlanerussuteqartut siunnersuummut tapersuinerat pillugit.

Naalakkersuisut maluginiarpaat ataatsimiititaliami amerlanerussuteqartut paasilluarsimagaat inatsisissatut siunnersuut sinaakutissatut inatsisaammat, aammalu suliniutissanut tullinnguuttunut tungaviussammat.

Taassumap saniatigut Naalakkersuisut partiit tamaasa qutsaviginiarpaat oqaatsit pillugit isumasioqatigiinnermi peqataatitaqarsimmata aammalu illoqarfinni assigiinngitsuni Naalakkersuisut oqaatsit pillugit oqallitsitsineranni peqataasimmata. Oqaatsit pillugit oqallittoqarnera annertuumik pissarsiviulluarpoq.

Naalakkersuisut qilanaarivaat ataatsimiititaliap isummersuutai aammalu innuttaasunik oqallitsitsinerni isumasioqatigiinnermilu isummersuutit aallaavigalugit suliniaqqinnissaq.

Taamatut oqaaseqarlunga siunnersuut inatsisartuni ingerlaqqittumik oqaluuserisassanngortippara.